

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0055194 23  
Zenica, 06.05.2025. godine

**OPĆINSKOM SUDU U ŽEPČU**  
-Sudiji za prethodno saslušanje-  
**ŽEPČE**

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

**O P T U Ž N I C U**

Protiv:

- 1.A. M.**, neosuđivan,  
**2.A. A., zvani „A.“**, neosuđivan,

što su:

A. M., sam:

1.Dana 16.07.2023. godine, oko 13,45 sati, u Žepču, u bašti ugostiteljskog objekta trgovačkog centra „...“ u mjestu ..., prišao stolu za kojim je sjedio njegov komšija H. B. sa S. H. te ga upitao: „Šta ti pričaš o meni“ na što je B. ustao iza stola u namjeri da ode kada ga je M. uhvatio za rame i okrenuo prema sebi te mu šakom zadao jedan udarac u predjelu lica od kojeg je ovaj pao pri čemu je izgubio i svijest, svjestan da ga tako može tjelesno povrijediti, a što je i htio, poslije čega je oštećeni H. B. otišao i slučaj prijavio u policijsku stanicu nakon čega je otišao u Dom zdravlja u Žepču radi ukazivanja lijekarske pomoći odakle je upućen u Kantonalnu bolnicu Zenica, na koji gore opisani način je oštećeni H. B. zadobio lake tjelesne povrede u vidu nagnjećenja gornje usne sa lijeve strane i sluznice unutrašnje strane usta sa lijeve strane,

A. M. i A. A., zajedno:

2. Dana 16.07.2023. godine, oko 16,00 sati, u Žepču, na lokalnom putu u mjestu ..., izašli pred vozilo marke „...“ reg. oznaka ...kojim je upravljao H. E. dok se na mjestu suvozača nalazio njegov brat H. B. s kojim se M. prethodno fizički sukobio, pobliže opisano pod tačkom 1., koje prilike su A. M. i A. A. uz psovke i uvrede upotrebot fizičke snage, zajednički i dogovoreno, svjesni da tako mogu oštetiti tuđu stvar a što su i htjeli, i to M. šakama udarao i razbio prednje vjetrobransko staklo dok je A. rukom odvalio i razbio prednji lijevi retrovizor a nogom udubio lim na prednjim lijevim vratima gore pomenutog vozila, gdje su u daljem oštećenju vozila spriječeni i zaustavljeni od

strane policijske patrole PS Žepče koji su ih lišili slobode na licu mjesta, čime su na gore opisani način A. M. i A. A. oštetili vlasnika H. E. za iznos od 500 KM,

čime su:

- A. M. pod tačkom 1. učinio krivično djelo Laka tjelesna povreda iz člana 173. stav 1. KZ F BiH, a pod tačkom 2. Oštećenje tuđe stvari iz člana 293. stav 1. u vezi sa članom 31. i 54. KZ F BiH,

- A. A. pod tačkom 2. krivično djelo Oštećenje tuđe stvari iz člana 293. stav 1. u vezi sa članom 31. KZ F BiH.